




Centimetres
TIPPEN Color Control Patches
© The Tiffen Company, 2007

Blue
Cyan
Green
Yellow
Red
Magenta
White
3/Color
Black

Inches
1
2
3
4
5
6
7
8
9
10
11
12
13
14
15
16
17
18
19
20





皇清經解卷一千二百八十七

學海堂

春秋公羊經何氏釋例

武進劉禮部逢祿著

公終始例弟二十

隱元年春王正月傳公何以不言卽位成公意也公將平國而反之桓桓幼而貴隱長而卑立適以長不以賢立子以貴不以長桓何以貴母貴也子以母貴

天王使宰咺來歸惠公仲子之賵傳仲子者何桓之母也隱爲桓立故以桓母之喪告於諸侯成公意也

二年十有二月乙卯夫人子氏薨傳隱公之母也不書葬成公意也子將不終爲君故母亦不終爲夫人也

四年翬帥師傳不稱公子與弑公也

五年考仲子之官傳隱為桓立故為桓祭其母也成公意也
十年翬帥師傳隱之罪人故終隱之篇貶也

十一年冬十有一月壬辰公薨傳春秋君弑賊不討不書葬以
為無臣子也不地不忍言也隱何以無正月隱將讓乎桓故不
有其正月也

桓元年春王正月公即位傳繼弑君不言即位言即位如其意
也

三年公子翬如齊逆女

案翬稱公
子罪桓也

十有八年春王正月公會齊侯于濼公夫人姜氏遂如齊傳不
言及夫人外公也

夏四月丙子公薨于齊注不書齊殺深諱地者在外危重不暇

隱也

丁酉公之喪至自齊冬十有二月乙丑葬我君桓公傳讎在外
書葬君子辭也

莊元年春王正月傳春秋君弑子不言即位隱子也

三月夫人孫于齊傳內諱奔謂之孫夫人固在齊矣言孫念母
也不稱姜氏與弑公也於其念母焉貶不與念母也注又欲以
孫為內見義但當推逐去之亦不可加誅誅不加上之義

四年公及齊人狩于郕傳齊侯也稱人諱與讐狩也

二十有七年公子友如陳葬原仲傳大夫不書葬通乎季子之
私行也避內難也公子慶父公子牙公子友皆莊公之母弟也
公子慶父公子牙通乎夫人以脅公季子起而治之則不得與

於國政坐而視之則親親因不忍見也

三十有二年秋七月癸巳公子牙卒傳不稱弟殺也不言刺爲季子諱殺也季子之遇惡也不以爲國獄緣季子之心而爲之諱莊公病召季子至授之以國政注至不書者內大夫出與歸不兩書莊不卒大夫而卒牙者本以當國將弑君

八月癸亥公薨于路寢傳正寢也注天子諸侯皆有三寢一曰高寢二曰路寢三曰小寢父居高寢子居路寢孫從王父母妻從夫寢夫人居小寢在寢地加錄內也

冬十月乙未子般卒傳君存稱世子君薨稱子某旣葬稱子踰年稱公不書葬未踰年之君也

公子慶父如齊注奔也時季子新酖牙慶父雖歸獄鄧扈樂猶不自信于季子故出也不言奔起季子不探其情不暴其罪閔元年春王正月傳繼弑君不言卽位孰繼繼子般也孰弑子般慶父也

夏六月辛酉葬我君莊公秋八月公及齊侯盟于洛姑季子來歸傳稱季子賢也言來歸喜之也注時慶父內則素得權重外則出奔強齊恐爲國家禍故季子如齊聞之奉閔公託齊桓爲此盟書歸者使與君致同言歸者注爲喜出言來者起從齊自外來盟不日公不致者桓之盟不日其會不致信之也冬齊仲孫來傳公子慶父也繫之齊外之也

二年秋八月辛酉公薨傳不地隱之也弑也孰弑慶父也注不書葬者賊未討

九月夫人姜氏孫于邾婁注爲淫二叔殺二子出奔不如文姜於出奔貶之者爲內臣子明其義不得以子絕母

公子慶父出奔莒注弑二君不當復見復見者起季子緩追逸賊也

冬齊高子來盟傳不稱使我無君也不名喜之也正我也桓公使高子將南陽之甲立僖公而城魯注不書者諱微弱

僖元年春王正月傳繼弑君不言卽位臣子一例也注禮諸侯臣諸父兄弟服皆斬衰

秋七月戊辰夫人姜氏薨于夷齊人以歸傳桓公召而縊殺之注先言薨後言以歸而不言喪者起桓公召夫人於邾婁歸殺之於夷因爲內諱恥

冬十月壬午公子友帥師敗莒師于犁獲莒挈傳大季子之獲也季子治內難以正禦外難以正慶父之莒莒人逐之將由乎齊齊人不納却反舍於汶水之上使公子奚斯入請季子曰公子不可以入入則殺矣於是抗軫經而死莒人間之曰吾已得子之賊矣以求賂於魯魯人不與爲是伐魯季子待之以偏戰十有二月丁巳夫人氏之喪至自齊傳不稱姜氏與弑公也二年夏五月辛巳葬我小君哀姜注書葬正齊桓討賊辟責內

雙齊

二十有三年十有二月乙巳公薨于小寢

文元年春王正月公卽位

夏四月丁巳葬我君僖公

十有八年春王二月丁丑公薨于臺下

六月癸酉葬我君文公

秋公子遂叔孫得臣如齊

冬十月子卒傳不日隱之弒也不忍言也注所聞世臣子恩痛

王父故不忍言其日與子般異

夫人姜氏歸于齊注大歸也

宣元年春王正月公即位傳其意也

六月齊人取濟西田傳外取邑書為弒子赤之賂也注魯以賂

故稱人共國辭子赤齊外孫篡之恐齊誅為是賂之亦因惡齊

取篡者賂未之齊坐者由律行言許受賂也

五年叔孫得臣卒注不日者知賊不言當誅

八年仲遂卒于垂傳不稱公子為弒子赤貶

十年齊人歸我濟西田傳言我未絕於我也齊已言取之矣其

實未之齊也注不言來者明不從齊來

十有八年十月壬戌公薨于路寢

成公元年春王正月公即位

二月辛酉葬我君宣公

十有八年八月己丑公薨于路寢

十有二月丁未葬我君成公

襄元年春王正月公即位

三十有一年六月辛巳公薨于楚宮秋九月癸巳子野卒

十月癸酉葬我君襄公

昭元年春王正月公即位

二十有五年秋七月上辛大雩季辛又雩傳又雩者非雩也聚衆以逐季氏也

九月己亥公孫于齊次于揚州齊侯唁公于野井

十有二月齊侯取運傳外取邑書為公取之也

二十有六年公至自齊居于運

秋公會齊侯莒子邾婁子杞伯盟于劇陵公至自會居于運

二十有七年春公如齊公至自齊居于運

冬公如齊公至自齊居于運

二十有八年春王三月公如晉次于乾侯注見時月日例及諱例

二十有九年春公至自乾侯居于運注見致公例

齊侯使高張來唁公公如晉次于乾侯

冬十月運潰傳邑言潰君存焉爾

三十年春王正月公在乾侯

三十一年春王正月公在乾侯

晉侯使荀櫟唁公于乾侯

三十有二年春王正月公在乾侯

十有二月己未公薨于乾侯

定元年春王傳正月正即位也定無正月者即位後也注雖書

即位於六月實當如莊公有正月無正月者昭公出奔國當絕

定公不得繼體奉正故為微辭

夏六月癸亥公之喪至自乾侯戊辰公即位傳即位日錄乎內

也注善得五日變禮

案書卽位如其意也嫌與桓宣同例故使若得禮

秋七月癸巳葬我君昭公

案隱如逐君定公篡國書葬者輕於弑亦微詞

十有五年五月壬申公薨于高寢

九月滕子來會葬丁巳葬我君定公雨不克葬戊午日下昃乃

克葬

哀元年春王正月公卽位

釋曰三代之制諸侯世子誓於天子教於國學君薨命卿赴

告致國天子命其宜立者爲之後踰年乃卽吉行事事

畢反喪服所謂先君以正終後君以正始也世衰道微旣無

誓教之禮競立私愛更相篡弑司馬弗討亂賊之禍亟封建

之意微矣周道旣傷舍魯奚適歷十二公之事不能不喟然

而歎也成隱之讓以正立子之法隱非能讓者又不能誅察

奸佞故以其身蒙首惡之名桓非果於篡者僅以不能見前

後讒賊故以其身陷篡弑之罪子以大過而勿敢辭輩也鄙

夫也亦非樂以擁戴爲能者幸免于隱桓之誅終莫逃于春

秋之討故春秋者禁于未然禮義之大宗也以與夷不知孔

父賢邪安知孔父死已必死以莊公不知季子賢邪安知病

將死召以託國君子以莊之行必不能以善終而書之最正

者徒以有季子也令莊公束身禮教無觀社納幣之行慶牙

雖不道安敢通夫人以脅公令莊公早任季子以削慶牙之

權嗣子雖幼冲何至此遭慘禍安存則務于遊觀土木

謂築三臺

之事而忌忠讜之言危急求之而常患于不及魯之幾亡莊

爲之也春秋之義繼弑君不言卽位謂宜致國天子舍誅君之子而別爲立後旣不得受命臣下大國亦不得專廢置閔僖之立僅賢于桓宣定之志得國而已非爲免於篡也故魯爲齊弱季氏之禍深于仲遂震廟之戒昭昭甚明昭之失國萌于僖之賞私勞也魯之宜立唯莊公以適子爲得正隱桓僖宣襄定哀皆庶孽也其終也亦唯莊以路寢爲得正僖以小寢絕于婦人之手懷宴安也文以臺下襄以楚宮荒游觀也定以高寢避昭也猶近正矣禮君疾顧命大臣皆在側其營衛疾者皆臣子婦寺皆不得與以防亂也桓宣之篡人咸知之定之篡微春秋孰爲辨之故隱十年無正以成其讓元年有正而去卽位以正其讓至定乃偏然反之元年去正而

書其卽位夫特書卽位則等例于桓宣而定知己之有罪上非所以諱尊隆恩下非所以避害容身也故變文以著正棺之禮而隱示其無恩詳正月而去卽位則等例于閔僖而定非其倫故書卽位于六月戊辰若善其得變禮而去正月以明受國于賊臣而不知討夫子以昭公出奔之歲適齊以定元年反魯反魯明不仕也或問之曰奚不爲政子曰書云孝乎唯孝友于兄弟昭公不反弟宋先立德季氏而不誅繼體之君臣子一例服皆斬衰其不孝不友寔甚將如建始之本何哉故于其受國以去就明之其終不覺寤則不得不去正月以告萬世矣于其受女樂復以去就明之其終不覺寤則又不得不去冬

十四年注

以告萬世矣故春秋始元終麟而魯無

終始無終始者無正也無正安有國哉人知陽虎不狃之叛不知季氏之叛知季氏之叛不知定公之叛知定公之叛不知平王之叛子曰如有用我者吾其為東周乎蓋傷本之失也夫用聖人者天也天不欲孔子救東周之亂而命以春秋救萬世之亂聖人曷敢以尊親之諱辭天討之柄哉世之罪孔子者其知孔子者耶其不知孔子者耶非孔子所知矣

娶歸終始例第七十一

桓三年公子翬如齊逆女

九月齊侯送姜氏于謹傳越竟送女非禮也入國矣何以不稱夫人自我言齊父母之于子雖為鄰國夫人猶曰吾姜氏注所以崇父子之親不言孟姜言姜氏者從魯辭起魯地

公會齊侯于謹夫人姜氏至自齊傳翬何以不致得見乎公矣注本所以致夫人者公不親迎有危也翬當并致者重在翬也以得見公得禮失禮在公不復在翬故不復致不就謹上致者婦人危重故据都城乃致

六年九月丁卯子同生傳喜有正也人無正也子公羊子曰其諸以病桓歟注感隱桓之禍生于無正

十有八年公夫人姜氏遂如齊

莊元年三月夫人孫于齊

二年十有二月夫人姜氏會齊侯于郟注書者婦人無外事外則近淫不致者本無出道有出道乃致奔喪致是也

四年二月夫人姜氏饗齊侯于祝邱

五年夫人姜氏如齊師

七年春夫人姜氏會齊侯于防

冬夫人姜氏會齊侯于穀

十五年夫人姜氏如齊

十九年夫人姜氏如莒

二十年夫人姜氏如莒

二十一年秋七月戊戌夫人姜氏薨

二十二年正月肆大省癸丑葬我小君文姜

冬公如齊納幣

二十三年春公至自齊

夏公如齊觀社公至自齊

二十四年夏公如齊逆女

秋公至自齊八月丁丑夫人姜氏入傳難也與公有所約然後入

戊寅大夫宗婦覲用幣

閏二年八月辛丑公薨九月夫人姜氏孫于邾婁公子慶父出奔莒

僖元年七月戊辰夫人姜氏薨于夷齊人以歸 十有二月丁

巳夫人氏之喪至自齊

二年五月辛巳葬我小君哀姜

元年楚人見諱例

八年秋七月禘于太廟用致夫人傳禘用致夫人非禮也不稱

姜氏譏以妾為妻也蓋脅于齊媵女之先至者也注僖公本聘楚女為嫡齊女為媵齊先致其女脅僖公使用為嫡故從父母辭言致不書夫人及楚女至者起齊先致其女然後脅魯立也楚女未至而豫廢故皆不得以夫人至書也

十一年公及夫人姜氏會齊侯于陽穀

十七年夫人姜氏會齊侯于卞

二十年五月乙巳西宮災

見災異例

文十六年八月辛未夫人姜氏薨

十七年四月癸亥葬我小君聖姜

二年公子遂如齊納幣

四年逆婦姜于齊傳高子曰娶乎大夫者略之也注不書逆者

主名卑不為錄使也不言如齊大夫無國也不稱女方以婦姜見與至共文重至也不稱夫人為致文賤不可奉宗廟也不言氏者本當稱女故使從父母辭

九年夫人姜氏如齊注奔喪也書者大夫家危重言如齊者大夫繫國

三月夫人姜氏至自齊注出獨致者得禮故與臣子辭

十八年夫人姜氏歸于齊

宣元年公子遂如齊逆女三月遂以夫人婦姜至自齊傳不稱公子一事而再見者卒名也不稱姜氏譏喪娶也稱婦有姑之辭也

成十四年叔孫僑如如齊逆女九月僑如以夫人婦姜氏至自

皇清經解

卷三頁七

劉禮部公羊何氏釋例

庚申補刊

齊

襄二年五月庚寅夫人姜氏薨秋七月己丑葬我小君齊姜注
宣公夫人

九年五月辛酉夫人姜氏薨秋八月癸未葬我小君繆姜注成
公夫人

昭十一年五月甲申夫人歸氏薨九月己亥葬我小君齊歸傳
昭公之母也注歸氏胡女襄公嫡夫人

案至不書者蓋親迎得禮故從常事不書定哀皆同例

哀十二年夏五月甲辰孟子卒傳昭公之夫人也其稱孟子諱
娶同姓蓋吳女也注見諱例

右夫人終始凡八

隱元年天王使宰咺來歸惠公仲子之賵傳惠公者何隱之考
也仲子者何桓之母也不稱夫人桓未君也兼之非禮也不言
及仲子微也

二年十有二月乙卯夫人子氏薨傳隱之母也不書葬成公意
也
五年考仲子之宮傳隱為桓立故為桓祭其母也注不就惠公
廟者妾母卑特廟祭之子死則廢不言立得變禮也

文四年十有一月壬寅夫人風氏薨五年正月王使榮叔歸含
且賵三月辛亥葬我小君成風王使召伯來會葬傳僖公母也
九年秦人來歸僖公成風之祔傳兼之非禮也不言及成風尊
也注母尊序在下者夫死繫子

禮記經解 卷三十一 劉禮部公羊何氏釋例 上 庚申補刊

宣八年戊子夫人熊氏薨十月己丑葬我小君頃熊雨不克葬
庚寅日中而克葬傳宣公之母也注楚女宣公即僖公妾子案僖

當作文

襄四年七月戊子夫人弋氏薨八月辛亥葬我小君定弋傳襄

公之母也注莒女襄公者成公妾子案弋氏鄆女辨見箋

定十五年七月壬申妣氏卒傳哀公之母也不稱夫人哀未君

也注杞女哀公者定公妾子未踰年不稱公

九月辛巳葬定妣傳有子則廟廟則書葬

右妾母六條

隱二年九月紀履緌來逆女傳不稱使婚禮不稱主人稱主人
無母也有母不稱母母不通也譏始不親迎也女在其國稱女

在塗稱婦入國稱夫人

冬十月伯姬歸于紀傳婦人謂嫁曰歸注不稱公子者婦人外

成不得獨繫父母明有二歸之道書者父母恩錄之

莊四年三月紀伯姬卒注禮天子諸侯絕期大夫絕總天子唯

女之適二王後者諸侯唯女之為諸侯夫人者恩得申故卒之

案此蓋隱之女于莊為小功姊妹

紀侯大去其國六月乙丑齊侯葬紀伯姬傳外夫人書葬隱之

也其國亡矣徒葬于齊爾注明魯宜閱傷臨之

隱七年三月叔姬歸于紀注伯姬之媵也至是乃歸者待年父

母國也媵賤書者後有賢行

莊十二年紀叔姬歸于鄆傳隱之也其國亡矣徒歸于叔爾也

注來歸不書書歸鄫者痛其國滅無所歸也鄫不繫齊者時齊聽後五廟故國之案三年紀季以鄫人于齊見褒例

二十九年十有二月紀叔姬卒注國滅卒者從夫人行待之以初也

三十年八月癸亥葬紀叔姬傳外夫人書葬隱之也其國亡矣徒葬乎叔爾

莊二十五年伯姬歸于杞案不卒無服也言歸以會來也

二十七年公會杞伯姬于洮注書者惡公教內女以非禮也

冬杞伯姬來傳直來曰來大歸曰來歸注諸侯夫人尊重既嫁非有大故不得反唯自大夫妻歲一歸宗

僖五年杞伯姬來朝其子傳內辭也與其子俱來朝也注禮外

孫初冠有朝外祖之道故使若來朝其子以殺直來之恥所以辟教戒之不明也微無君命言朝者明非實

二十八年杞伯姬來

三十一年杞伯姬來求婦注無出道也

僖十四年六月季姬及鄫子遇于防使鄫子來朝

十五年季姬歸于鄫

十六年夏四月丙申鄫季姬卒

十九年邾婁人執鄫子用之

宣十八年邾婁人執鄫子于鄫

文十四年冬單伯如齊齊人執單伯齊人執子叔姬

十五年單伯至自齊

禮部公羊何氏釋例 與庚申補刊

十有二月齊人來歸子叔姬

宣十六年秋邾伯姬來歸注嫁不書者為媵來歸書者後為嫡也
也不卒者已棄有更適人之道或時為大夫妻故不得待以初也

成五年正月杞叔姬來歸注與邾伯姬同

八年十月癸卯杞叔姬卒

九年正月杞伯來逆叔姬之喪以歸

八年夏宋公使公孫壽來納幣傳納幣書錄伯姬也案傳例稱使者無母

衛人來媵傳錄伯姬也

九年二月伯姬歸于宋夏季孫行父如宋致女傳錄伯姬也

晉人來媵傳錄伯姬也

十年齊人來媵傳錄伯姬也三國來媵非禮也皆以錄伯姬之辭言之婦人以眾多為侈也注伯姬以至賢為三國所爭媵故侈大其能容之唯天子取十二女

十五年六月宋公固卒注不日多取三國媵非禮故略之

襄三十年五月甲午宋災伯姬卒秋七月叔弓如宋葬宋共姬傳外夫人書葬隱之也稱諡賢也

晉人齊人宋人衛人鄭人莒人邾婁人滕人薛人杞人小邾婁人會于澶淵宋災故傳會未有言其所為者錄伯姬也

右內女八條

僖九年秋七月乙酉伯姬卒傳未適人何以卒許嫁矣婦人許嫁字而笄之死則以成人之喪治之注不以殤禮降也當為諸

侯夫人有即貴之漸猶俠卒也

文十二年二月庚子子叔姬卒傳其稱子貴也母弟也注不稱母妹而繫先君言子者遠別也

右女未適人二條

莊二十七年莒慶來逆叔姬傳大夫越竟逆女非禮也注禮大夫任重為越竟逆女于政事有所損曠故竟內乃得親迎所以屈私赴公也言叔姬者婦人以字通言叔姬賤故略與歸同文重乖離也

僖二十五年宋蕩伯姬來逆婦注主書者無出道也案此當是魯女適大夫者逆不書非越竟逆也

宣五年秋九月齊高固來逆子叔姬冬齊高固及子叔姬來

右女適大夫三條

桓八年祭公來遂逆王后于紀傳天子之三公也不稱使婚禮不稱主人其言遂成使乎我也使我為媒可則因用是往逆矣女在其國稱女稱王后王者無外其辭成矣

九年紀季姜歸于京師傳其辭成矣稱紀季姜何自我言紀父母之于子雖為天王后猶曰吾季姜注子尊不加于父母書歸者明魯為媒當有送迎之禮

襄十五年劉夏逆王后于齊傳外逆女書過我也注明魯當共送迎之禮

右王后二條

莊元年單伯逆王姬傳不稱使天子召而使之也逆之者使我

主之也天子嫁女于諸侯必使諸侯同姓者主之諸侯嫁女于大夫必使大夫同姓者主之

築王姬之館于外傳築之禮也于外非禮也主王姬者必爲之改築

王姬歸于齊傳我主之也注爲父母道故恩錄

二年七月齊王姬卒傳外夫人卒我主之也注爲父母道明當有恩禮

十一年王姬歸于齊傳過我也注明當有送迎之禮在塗不稱婦者王者無外故從在國辭

右王姬二條

莊十九年公子結媵陳人之婦于鄆遂及齊侯宋公盟傳諸侯

娶一國則二國往媵之以姪娣從諸侯壹聘九女諸侯不再娶注禮君不求媵二國自往媵夫人所以一夫人之尊

右媵一條

釋曰自古王業之隆非獨君德茂也亦有后夫人之行焉易

基乾坤詩始關雎書美釐降禮本大昏春秋譏不親迎是已

春秋首建五始以奉天其言人事則以正適妾建世子爲兢兢

故乃正其制曰天子娶十二女則天數也諸侯娶九女極

陽數也皆不再娶節人情也周制內官有嬪婦九御而闕其

數百二十官應十二子九九而御則誣也親迎之義致女之

文自天子達于士禮之本也鵲巢之首章曰百兩御之言親

迎也其二章曰百兩將之言畱車反馬也其三章曰維鳩盈

之謂姪娣也致女之義備于草蟲曰未見君子憂心忡忡憂
己之德薄不足以承事君子且憂君子之於禮未能行而履
之也亦既見止則共牢而食矣必曰亦既覲止我心則降鄭
康成氏傳之何君說春秋亦云諸侯既娶三月然後夫人見
宗廟見宗廟然後成婦禮又曰必三月者取一時足以別貞
信貞信著然後成婦禮從父母辭以彰其自潔清且安榮之
故士禮御布婦席于奧媵衽良席于阼五經異義云昏禮之
莫枕席相連緣此而
誤嚴以示賢人寬以容中人禮教盡然昏其本也人所以貴
于物莫先于夫婦之別夫婦正則父子親故鳳皇生而有仁
義之德虎狼生而有貪戾之心謂書子
同生義春秋之義大夫不外
娶為越竟而曠官也國君不內娶為近漁色且賤非所以奉

宗廟義不得專封也世子不外娶恐貳君也世子妃不得立
為后夫人賤且未備數也天子不親嫁女而必親迎以繼先
聖而為天地宗廟主臣王舅不臣后父廣孝也故苟為中人
以下雖不親迎未為大惡而大雅之教必以文王正天子親
迎為法苟為中人以下不三月亦可以成婦禮而春秋之教
必以宋共姬正王后謂三國
來媵之行如
字為法故王后無出禮而
有廢絕之義亦不得立媵以配宗廟陰有絕月有滅也諸侯
夫人非大故不得反無外事故無出道出姜雖微而動中乎
禮奔喪
大歸君子哀之而無譏矣大夫妻無事歲一歸宗高固叔
姬雙行匹至猶以為近於禽獸文姜哀姜之亂鄆季姬子叔
姬之亂杞伯姬蕩伯姬之失教邾伯姬杞叔姬之不答以魯

知他國則關雎之化亡矣且以魯僖之賢而啟邾鄆數世之禍莊之淫讐女昭之取同姓則不忍言也僖之立妾卑其身而不知也文宣之喪娶喪其心而不知也隱襄定哀之逆女不志其近禮矣使三公逆王后何氏依漢制以爲得禮非也猶使卿逆夫人非禮也亦被左氏逆王姬使同姓禮也魯則喪也且于齊讐也衰麻接弁冕仇讐交婚姻上無禮孰甚焉故二南者雅頌之基也道成于麟趾大昏者修身之本也始于元者亦終于麟撥亂世法文王而已矣法文王刑于寡妻以御于家邦而已矣造端乎夫婦而察乎天地盛德之至也

致公例第二十二

桓元年三月公會鄭伯于垂注桓會皆月危之也不致之者爲

下去王適足以起無王未足以見無王罪之深淺故復奪臣子詞成誅文也

二年公及戎盟于唐冬公至自唐注致者君子疾賢者失其所不肖者反以相親榮明前隱與戎盟雖不信猶可安也今桓與戎盟雖信猶可危也所以深抑小人也凡致者臣子喜其君父脫危而至

十五年鄭伯突入于櫟冬十有一月公會齊侯宋公衛侯陳侯于侈伐鄭十有六年四月公會宋公衛侯陳侯蔡侯伐鄭秋七月公至自伐鄭注致者善桓公能疾惡同類比與諸侯行義兵伐鄭

莊五年冬公會齊人宋人陳人蔡人伐衛六年三月王人子突

救衛夏六月衛侯朔入于衛秋公至自伐衛傳得意致會不得
意致伐衛侯朔入于衛何以致伐不敢勝天子也注所伐國服
兵解國安故不復錄兵所從來獨重其本會所伐不服兵將復
用故重錄所從來此謂公與二國以上也公與一國及獨出用
兵得意不致不得意致伐公與二國以上出會盟得意致會不
得意不致公與一國出會盟得意致地不得意不致
九年公及齊大夫盟于暨注不致者魯地也
公伐齊納糾傳伐而言納猶不能納也注納不致者言伐得意
不得意可知猶遇弗遇例也
八月庚申及齊師戰于乾時我師敗績注不致者有敗文得意
不得意可知例

十有三年冬公會齊侯盟于柯傳桓之盟不日其會不致信之
也

二十有二年冬公如齊納幣二十有三年春公至自齊傳之桓
國何以致危之也公一陳作也

夏公如齊觀社公至自齊

二十有四年夏公如齊逆女秋公至自齊八月丁丑夫人姜氏八

二十有七年春公會杞伯姬于洮注洮內地凡公出在外致在
內不致其與婦人會不別得意雖在外猶不致

案無危也亦以見非禮故奪臣

詞子

閔元年秋八月公及齊侯盟于洛姑注桓之盟不日其會不致
信之也

德四年正月公會齊侯宋公陳侯衛侯鄭伯許男曹伯侵蔡蔡潰遂伐楚次于涇楚屈完來盟于師盟于召陵○齊人執陳袁濤塗秋及江人黃人伐陳八月公至自伐楚傳楚已服矣致伐叛盟也

六年夏公會齊侯宋公陳侯衛侯曹伯伐鄭圍新城秋楚人圍許諸侯遂救許冬公至自伐鄭注事遷于救許以伐鄭致者舉不得意

十五年三月公會齊侯宋公陳侯衛侯鄭伯許男曹伯盟于牡邱九月公至自會傅桓會致久也案十七年同義

二十一年公會諸侯盟于薄釋宋公案不致者得意可知二十七年盟宋同例
二十五年公會衛子莒慶盟于洮注洮內地公與未踰年君大夫盟不別得意雖在外猶不致也

二十六年公以楚師伐齊取穀公至自伐齊傳此已取穀矣何以致伐曰患之起必自此始也注魯內虛而外乞師以犯強齊屬齊侯昭卒晉文行霸幸而得免故雖得意猶致伐也

二十八年五月癸丑公會晉侯齊侯宋公蔡侯鄭伯衛子莒子盟于踐土注不致者安信與晉文也

三十三年公伐邾婁取叢注取邑不致得意可知例
文三年冬公如晉十有二月己巳公及晉侯盟四年春公至自

晉

十有三年冬公如晉衛侯會公于沓十有二月己丑公及晉侯

盟還自晉鄭伯會公于斐十有四年春王正月公至自晉案公與一

是書經注 卷之三十一 劉禮部公羊何氏釋例 三 庚申補刊

國會盟得意致
地在都據國

成十年夏四月五卜郊不從乃不郊五月公會晉侯齊侯宋公

衛侯曹伯伐鄭注不致者成公怨懟不免牲故奪臣子詞以起

案襄十一年注致者不怨懟

十六年秋公會晉侯齊侯衛侯宋華元邾婁人于沙隨不見公

公至自會傳公不見見大夫執何以致會不恥也公幼也

公會尹子晉侯齊國佐邾婁人伐鄭九月晉人執季孫行父舍

之于招邱十有二月乙丑季孫行父及晉卻州盟于扈公至自

會案喜患禍解也

襄三年公如晉夏四月壬戌公及晉侯盟于長檣公至自晉注

盟地者不于都也嫌如晉不得入故以晉致起之不別盟得意

者成公比失意如晉公獨得容盟得意亦可知

九年五月辛酉夫人姜氏薨秋八月癸未葬我小君繆姜冬公

會晉侯宋公衛侯曹伯莒子邾婁子滕子薛伯杞伯小邾婁子

齊世子光伐鄭十有二月己亥同盟于戲注不致者惡公服繆

姜喪未踰年而親伐鄭故奪臣子詞

十年春公會晉侯宋公衛侯曹伯莒子邾婁子滕子薛伯杞伯

小邾婁子齊世子光會吳于柤夏五月甲午遂滅偃陽公至自

會注滅比于取邑例不當書致書致者深諱若公與上會不與

下滅

昭十三年秋公會劉子晉侯齊侯宋公衛侯鄭伯曹伯莒子邾

婁子滕子薛伯杞伯小邾婁子于平邱八月甲戌同盟于平邱

公不與盟晉人執季孫隱如以歸公至自會傳公不見與盟大夫執何以致會諸侯遂亂反陳蔡君子不恥不與焉

二十有五年九月己亥公孫于齊十有二月齊侯取運二十六年三月公至自齊居于運注致者明臣子當憂納公

秋公會齊侯莒子邾婁子杞伯盟于鄆陵公至自會居于運注致會者責臣子明公已得意于諸侯不憂助納之而使居于運二十有八年三月公如晉次于乾侯二十有九年春公至自乾侯居于運注不致以晉者不見容于晉未至晉

定八年公會晉師于瓦公至自瓦注此晉趙鞅之師也公會大夫不別得意雖得意不致致者諱公爲大夫所會故使若得意十年公會齊侯于頰谷公至自頰谷注致地者齊侯作侏儒之

樂欲執定公孔子誅侏儒齊侯大懼曲節從敎得意故致也

十二年十有二月公圍成公至自圍成注致者天子不親征下土諸侯不親征叛邑親圍成不能服不能以一國爲家若從他國來故危錄之

哀七年公伐邾婁八月己酉入邾婁以邾婁子益來注入不致者得意可知例

十有三年公會晉侯及吳子于黃池公至自會注有恥致者順諱文

致喪附

桓十八年丁酉公之喪至自齊

見時月日例

定元年夏六月癸亥公之喪至自乾侯

禮記

卷三十三 禮部公羊何氏釋例

禮部公羊何氏釋例

僖元年十有二月丁巳夫人氏之喪至自齊

致大夫壻

莊二十七年公子友如陳葬原仲三十二年注至不書者內大

夫出與歸不兩書

閔元年季子來歸注變至言歸加錄之

文十五年單伯至自齊注大夫不致致者喜患禍解也不省去

氏者淫當絕使若他單伯至也

箋云命大夫故不名若去單言伯則不詞又案隱如叔孫舍書

致同義

成十六年晉人執季孫行父舍之于招邱注行父執釋不致者

舉公至為重

釋曰致公者危之也喜之也宜致不致安之也或賤之也不

宜致而致幸之也亦賤之也或以明不恥也凡公行世子監

國命卿輔之強本幹也雖盟會皆以師從以三年之戒以裨

從備不虞也將出以幣帛皮圭告於祖禰載於齋車每舍奠

焉而後就舍反必告斂而藏之兩階之間乃退其行軍則授

兵於廟戰勝以喪禮處之歸而飲至策勳於廟貴命也其於

竟內雖專討不授兵亦不策勳昭圍成不致無臣子也定圍

成致著仲孫之耦國也劉歆之徒增飾左氏以告廟不告廟

言致不致是春秋乃屑屑焉為魯有司之事而非奉天命討

之權矣且魯有司無託王之王朝聘奔喪會葬宜悉書之而

左氏反附於常事不書之例不亦慎乎

公大夫世系表第二十三

隱公名息姑周公子伯禽始封魯爲魯公魯公子考公就考公
弟煬公熙煬公子幽公圉幽公弟濇弒幽公而立是爲微公微
公子厲公翟厲公弟爲獻公具獻公子慎公摯慎公弟武公敖
武公少子懿公戲周宣王立之魯人弒之而立懿公兄括之子
伯御宣王殺之而立懿公之弟稱是爲孝公孝公子惠公弗皇
隱公惠公長庶子也周公八世孫魯第十四世君攝位十一年
弟桓公允公子翬弒之桓公十八年齊侯諸兒夫人文姜弒之
桓公子同立是爲莊公三十二年薨子般嗣莊公母弟慶父弒
之立子般之弟啟是爲閔公慶父哀姜又弒之莊公之弟季友
立莊公之庶子申是爲僖公三十有二年薨子文公興立十八
年薨子赤嗣公子遂弒之立文公之庶子宣公倭十八年薨子

成公黑肱立十八年薨子襄公午立三十一年薨子野嗣而卒
魯人立襄公之庶子稠是爲昭公二十五年孫于齊三十二年
薨于乾侯魯人立昭公之弟宋是爲定公十五年薨子哀公蔣
立十四年獲麟考史記自伯禽始封至隱元年凡三百七十五
年入春秋至獲麟二百四十二年

公子益師孝公子字衆父

公子彊孝公子字子臧諡僖伯臧孫辰彊曾孫諡文仲許辰子
諡宣叔紇許子諡武仲

公子慶父桓公子諡共仲氏仲孫亦曰孟孫公孫敖慶父子諡
穆伯仲孫蔑敖庶子穀之子諡獻子邀蔑子諡莊子羯邀子諡
孝伯饗羯子諡僖子何忌饗庶子諡懿子

公子牙桓公子諡僖叔氏叔孫公孫慈牙子諡戴伯叔孫得臣
牙孫諡莊叔僑如得臣子諡宣伯豹僑如弟諡穆子舍豹庶子
諡昭子不敢舍子諡成子州仇不敢子諡武叔

叔彭生牙孫諡惠伯

公子季友桓公子諡成季季孫行父友孫諡文子宿行父子諡

武子隱如宿孫諡平子斯隱如子諡桓子

公子遂莊公子諡襄氏仲公孫歸父遂子字子家公孫嬰齊遂

子後歸父曰仲嬰齊

叔肸文公子宣公母弟諡惠伯公孫嬰齊叔肸子諡聲伯叔老

嬰齊子諡齊子叔弓老子諡敬子叔痤弓子叔鞅弓子諡穆伯

叔倪鞅子叔還弓曾孫世本叔弓生定伯闕閱生西巷敬叔敬叔生成子還

無駭 公子翬 公子結 公子偃宣公子 公子整

單伯二挾 柔 溺

右內大夫見春秋者四十七人

內大夫卒例第二十四 外大夫卒葬墳

隱元年冬十有一月公子益師卒注主所以卒大夫者明君當

隱痛之也君敬臣則臣自重君愛臣則臣自盡公子者氏也益

師者名也諸侯之子稱公子公子之子稱公孫詳三世例

五年冬十有一月辛巳公子驅卒見時日月例

八年冬十有一月無駭卒見貶例

九年俠卒傳吾大夫之未命者也注未命所以卒之者賞疑從
重無氏者少略也

皇清經解卷之三頁七 劉禮部公羊何氏釋例 庚申甫刊

莊三十二年秋七月癸巳公子牙卒見公終始例日月例

僖十六年三月壬申公子季友卒見喪例

秋七月甲子公孫慈卒

十年三月辛卯臧孫辰卒

文十四年九月甲申公孫敖卒于齊見諱例

宣四年叔孫得臣卒見日例

八年仲遂卒于垂見日例

十七年冬十有一月壬午公弟叔肸卒見喪例

成四年夏四月甲寅臧孫許卒

十五年三月乙巳仲嬰齊卒見譏例

十七年十有一月壬申公孫嬰齊卒于狸軫見日例

襄五年十有二月辛未季孫行父卒

十九年八月丙辰仲孫蔑卒

二十二年秋七月辛酉叔老卒

二十三年八月己卯仲孫遨卒

三十一年九月己亥仲孫羯卒

昭四年冬十有二月乙卯叔孫豹卒

七年冬十有一月癸未季孫宿卒

十五年二月癸酉有事于武宮籥人叔弓卒去樂卒事傳禮也

君有事於廟聞大夫之喪去樂卒事大夫聞君之喪攝主而往

大夫聞大夫之喪尸事畢而往

二十一年八月乙亥叔輒卒

劉禮部公羊何氏釋例 庚申補刊

二十三年正月癸丑叔鞅卒

二十四年二月丙戌仲孫矍卒

二十五年十月戊辰叔孫舍卒

二十九年四月庚子叔倪卒

定五年六月丙申季孫隱如卒

七月壬子叔孫不敢卒

哀三年七月季孫斯卒

右內大夫卒

隱三年夏四月辛卯尹氏卒傳外大夫不卒天王崩諸侯之主也注時魯隱往奔喪尹氏主賓贊諸侯與隱交接而卒恩隆於王者則加禮錄之

文三年夏五月王子虎卒傳外大夫卒新使乎我也注即叔服也新為王者使來會葬在三年中卒恩隆于親親則加報之名者卒從正


定四年秋七月劉卷卒傳外大夫卒我主之也注明主會者當有恩禮也言劉卷者主起以大夫卒之屈于天子也


葬劉文公傳外大夫書葬錄我主也注禮諸侯入為天子大夫更受采地于京師天子使大夫為治其國有功而卒者當益封其子時劉卷以功益封故不以故國而以采地書葬起其事因恩以廣義稱公者明本諸侯

莊二十七年公子友如陳葬原仲傳大夫書葬通乎季子之私行也

右外大夫卒葬

釋曰大夫書卒者君之股肱也夫子書士喪禮詳哉乎君臣之禮父子之恩也內大夫執政多由公族命于天子者惟單伯非初制矣未命于君者有柔俠隱之篇託始見之矣桓之大夫不卒者隱之賊也莊之大夫不卒者不以復讎之義告於君猶之無臣子也季友之功足錄矣而閔公不書葬則立僖之私誅牙之權功不足以蔽罪也臧孫辰自告糴之後國有大亂曾不與聞不仁不知之罪彰矣故距其卒也四十餘年雖有事俱削之所謂斗筭之人何足算也季友立僖爲政在三桓之始仲遂弑赤爲祿去公室之始而魯之禮樂刑政大壞矣三代之禮天子之卿世祿不世爵諸侯之大夫不世爵祿其賢者進之以漸殷道尊賢周道親親命哲不逮也聖如柳下而貢士之典不行罪如隱如而諸侯之討不及君子歎周之衰上無禮下無學而于得臣仲遂叔肸叔弓兩嬰齊之卒三致意焉





皇清經解卷一千二百八十八

學海堂

春秋公羊經何氏釋例

武進劉禮部逢祿著

侵伐戰圍入滅取邑例第二十五

莊十年二月公侵宋傳猶者曰侵精者曰伐戰不言伐圍不言戰入不言圍滅不言入書其重者也

宣元年楚子鄭人侵陳遂侵宋注微者不得言遂楚子遂也不從鄭人去遂者尊者兼將

襄十九年晉士句帥師侵齊至穀聞齊侯卒乃還傳還善辭也大其不伐喪也大夫以君命出進退在大夫也

定四年三月公會劉子晉侯宋公蔡侯衛侯陳子鄭伯許男曹伯莒子邾婁子頓子胡子滕子薛伯杞伯小邾婁子齊國夏于

召陵侵楚注月而不舉重者善錄義兵

襄二十三年齊侯襲莒案僖二十三年注輕行疾至不戒以入曰襲

桓五年蔡人衛人陳人從王伐鄭傳從王正也

桓十二年十有二月及鄭師伐宋丁未戰于宋傳戰不言伐言

伐避嫌也嫌與鄭人戰也此偏戰也何以不言師敗績內不言

戰言戰乃敗矣注宋不出主名者兵攻都城與郎同義

十四年宋人以齊人衛人蔡人陳人伐鄭傳以者行其意也

十五年十有一月公會齊侯宋公衛侯陳侯于侈伐鄭注不舉

伐為重者用兵重于會嫌月為桓伐有危舉不為義兵錄故復

錄會

莊二年公子慶父帥師伐於餘邱傳邾婁之邑也不繫邾婁國

之也君存焉爾

九年公伐齊納糾傳納入詞也伐而言納猶不能納也注伐者

非入國詞

十四年單伯會伐宋傳後會也

二十八年三月甲寅齊人伐衛衛人及齊人戰衛人敗績傳伐

何以日至之日也戰言伐至之日也春秋伐者為客伐者為主

使衛主之未有罪爾敗不言師未得乎師也注詐戰者不言戰

言戰者衛未有罪方欲使衛主見直文

三十年齊人伐山戎三十一年齊侯來獻戎捷傳此蓋戰也何

以不言戰春秋敵者言戰桓公之與戎狄驅之爾

僖十七年齊人徐人伐英氏注春秋前黜稱氏也伐國而含氏

言之者非主名故伐之得從國舉

十八年正月宋公曹伯衛人邾婁人伐齊五月戊寅宋師及齊師戰于甌齊師敗績傳戰言伐宋公與伐而不與戰伐者為客伐者為主不使齊主之與襄公之征齊也

二十六年公以楚師伐齊取穀注言以者行公意別魯兵也稱師者順上文

二十八年晉侯侵曹晉侯伐衛傳再言晉侯非兩之也不言遂未侵曹也致其意也

文三年晉陽處父帥師伐楚救江傳為諼也

襄十一年公會晉侯宋公衛侯曹伯齊世子光莒子邾婁子滕子薛伯杞伯小邾婁子伐鄭會于蕭魚傳此伐也其言會于蕭

魚蓋鄭與會爾

哀十一年公會吳伐齊甲戌齊國書帥師及吳戰于艾陵齊師敗績獲齊國書注戰言伐者魯與伐而不與戰

桓十年十有二月丙午齊侯衛侯鄭伯來戰于郎傳言來戰近乎圍也偏戰不言師敗績內不言戰言戰乃敗矣注魯不出主名者兵近都城明舉國無大小當戮力拒之

十三年二月公會紀侯鄭伯己巳及齊侯宋公衛侯燕人戰齊師宋師衛師燕師敗績傳後日恃外也內言戰從外也不地近

乎圍郎亦近矣猶可以地也注親戰龍門兵攻都城尤危故恥之績功也取其績聚師衆有尊卑上下次第行伍必出萬死而不奔故以自敗為文明當坐燕戰稱人敗稱師重師也言及者

皇清經解卷之三頁六 劉禮部公羊何氏釋例 三 庚申補刊

明見伐者為主故得汲汲敗勝之文

莊九年八月庚申及齊師戰于乾時我師敗績傳內言敗伐敗也復讐也曷為使微者公也不言公不與公復讐復讐者在下也注時實不能納糾伐齊諸大夫以為不如以復讐伐之非誠心至意故不與也復讐以死敗為榮故錄之

十年六月齊師宋師次于郎公敗宋師于乘邱傳言次伐也齊與伐而不與戰我能敗之故言次也注一國纔止次未成于伐魯即能敗宋師齊師罷去故不言伐言次也明國君當強折衝當遠魯微弱深見犯至于近邑賴能速勝之所以強內且明臣子當將順其美匡救其惡

僖十五年十有一月壬戌晉侯及秦伯戰于韓獲晉侯傳君獲

不言師敗績也

二十八年四月己巳晉侯齊師宋師秦師及楚人戰于城濮楚

師敗績見貶例

三十三年四月辛巳晉人及姜戎敗秦于殽見貶例月日例

文二年二月甲子晉侯及秦師戰于彭衙秦師敗績注師敵君不正者賤之不嫌得敵君

七年戊子晉人及秦人戰于令狐晉先昧奔秦傳偏戰不言師敗績敵也

十二年戊午晉人秦人戰于河曲傳同上

宣十二年乙卯晉荀林父帥師及楚子戰于邲晉師敗績成元年王師敗績于貿戎傳王者無敵莫敢當也

二年六月癸酉季孫行父臧孫許叔孫僑如公孫嬰齊帥師會
晉郤克衛孫良夫曹公子手及齊侯戰于鞏齊師敗績見王魯
例內外

十六年甲午晉侯及楚子鄭伯戰于鄢陵楚子鄭師敗績傳敗
者稱師楚不稱師王夷也不言師敗績未言爾

昭十七年楚人及吳戰于長岸傳詐戰言戰敵也

二十三年戊辰吳敗頓胡沈蔡陳許之師于雞父胡子髡沈子
楹滅獲陳夏齧見進
黜表

隱五年宋人伐鄭圍長葛傳邑不言圍言圍強也注惡其強而
無義必欲得邑故如其意言圍

僖六年公會齊侯宋公陳侯衛侯曹伯伐鄭圍新城傳邑言圍

疆也注惡桓公行霸強非所以附疏

二十一年執宋公以伐宋楚人使宜申來獻捷見諱
例

二十三年齊侯伐宋圍緡傳邑言圍疾重故也注襄公為楚所
敗諸夏之君宜雜然助之反因其困而伐之痛與重故創無異

二十六年楚人伐宋圍緡傳邑言圍刺道用師也注以師與魯
未至又道用之惡其視百姓之命若草木

成三年叔孫僑如帥師圍棘傳汶陽之不服邑也言圍不聽也
注與圍外邑同罪得曰取不得曰圍

襄元年仲蔑會晉欒黶宋華元衛甯殖曹人莒人邾婁人滕
人薛人圍宋彭城傳為宋誅也

十二年莒人伐我東鄙圍台傳伐而言圍者取邑之辭也伐而

不言圍者非取邑之詞也

見諱例

十八年公會晉侯宋公衛侯鄭伯曹伯莒子邾婁子滕子薛伯杞伯小邾婁子同圍齊十九年公至自伐齊傳致伐未圍齊也言圍抑齊也為其亟伐也或曰為其驕蹇使其世子處乎諸侯之上也

昭二十六年公圍成注惡公失國幸而得運復擾其民不從叛書者本與國俱叛不從定公以親圍下邑譏者昭無臣子又即如定公當致也

定十二年公圍成公至自圍成

見致例

哀三年齊國夏衛石曼姑帥師圍戚傳伯討也

隱二年五月莒人人向傳入者得而不居也注凡書兵者正不

得也外內深淺皆舉之者因重兵害眾兵動則構怨結禍更相報償無已時諸侯擅興兵不為大惡者保伍連帥本有用兵征伐不義之道

五年衛師入盛傳將尊師眾稱某帥師將尊師少稱將將卑師眾稱師將卑師少稱人君將不言帥師書其重者也

文十五年晉卻缺帥師伐蔡戊申入蔡傳入不言伐言伐至之日也其日至之日也

齊侯侵我西鄙遂伐曹人其郭

見諱例

襄十二年季孫宿帥師救台遂入運注討叛也封內兵書者為遂舉討叛惡遂者得而不取與不討同取運而自益其邑

哀七年公伐邾婁八月己酉入邾婁以邾婁子益來

見諱例

八年正月宋公入曹以曹伯陽歸見諱例

滅遷潰叛例入誅絕例內外取邑並詳諱例

隱四年莒人伐杞取牟婁見建始例

六年宋人取長葛傳外取邑書久也注古者師出不踰時今宋

更年取邑久暴師苦衆居外故疾之不繫鄭舉伐者明因上伐

圍取也

襄十九年取邾婁田自濼水傳以濼為竟也濼移也注諸侯土

地本有度數不得隨水隨水有之當坐取邑

次戍例見譏例諱例

莊十八年公追戎于濟西傳未有言伐者其言追大其為中國

追也未至而豫禦之也于濟西大之也

僖二十六年齊人侵我西鄙公追齊師至薨弗及傳侈也注弗

者不之深者也言齊人畏公士卒精猛去之深遠國內兵不書

而舉地者善公齊師去則止不遠勞百姓過復取勝得用兵之

節

襄十五年齊侯伐我北鄙圍成公救成至遇傳不敢進也注不

言止次以刺之者量力不責重民也故與至薨同文封內兵書

者為不進張本

莊十七年齊人濊于遂傳衆殺成者也注遂人以藥投於水中

多殺之古者有分土無分民齊成之非也遂不當坐也故使齊

為自積死文也稱人衆詞不書成將帥者封內兵也

釋曰孟子有言春秋無義戰彼善於此則有之矣征者上伐

下也敵國不相征也然則詳於言兵聖人將以禁暴誅亂而
維封建於不徹也夫周之末失強侵弱眾暴寡士民塗炭靡
有定止不思其所由失而曰封建使然於是悉廢而郡縣之
而天下卒以大壞夫郡縣之法勢不能重其權久其任如古
諸侯也一旦奸民流竄盜賊蜂起其殃民而禍及於國秦漢
之忽亡晉季之紛擾視三代之衰則慘矣夫王靈不振九伐
之法不修則去封建而亂亡益迫王靈振九伐之法脩則建
親賢而治道乃久三季之失非強侯失之失馭侯之法也肉
袒請刑之意變為下堂矣采薇治外之制依於晉鄭矣不此
之訾而訾封建是因幽厲而廢文武也可乎曰然則春秋救
周之徹將奈何曰制國如周初公侯之國不過方百里伯子

男之國不過方七十里如五十里其軍賦之法大國千乘萬
農者十萬人次五百乘次二百五十乘則五萬人及二萬五
千人正羨之卒大國不過二軍小國不過一軍其徵發調遣
之兵方伯不過二師諸侯不過一師小國惟卒旅而已故皆

稱人以聽於方伯其諸侯世子既教於學而誓於天子書曹
來朝天子復與之賢師良傅譏錫成公而理軍國者又皆天

子之命卿單伯得其人如齊二守晉隨會漢之賈董亦足以
佐治而名山大川亳阪要害之所又皆王官領之犬牙相制

繡壤交錯平治則修朝覲聘享巡守會同之禮一方有警則
元戎十乘以先啟行而飛隼爰集其車三千不勞饋餉而可
立致觀文王之耿光揚武王之大烈雖萬世不徹可也在易

比之二曰比之自內貞吉言建親也其四曰外比之貞吉言
建賢也漸之象曰居賢德善俗太公率青周公率兗召公率
冀康叔率殷其自治皆儉於百里而紂之餘風殄矣二公分
陝尚父治內而德廣之所及遠矣賢聖之才不世出則莫若
修春秋之制得如齊桓晉文者以爲方伯連帥則滅亡之禍
可弭桓恥不而侵奪之罪可正文班君國子民求賢審官以
輔王室以救中國持世之要務太平之正經詩終殷武之意
也

地例第二十六

隱元年公及邾婁儀父盟于昧傳昧者地期也注會盟戰皆錄
地其所期處重期也又注凡以事定地者加于例以地定事者

不加于例

四年公及宋公遇于清注地者重錄之

桓十五年十有一月公會齊侯宋公衛侯陳侯于侈伐鄭注不
舉伐爲重者用兵重於會嫌月爲桓伐有危舉不爲義兵錄故
復錄會

宣元年宋公陳侯衛侯曹伯會晉師于斐林伐鄭注殊會地之
者起諸侯爲盾所會

定四年三月公會劉子晉侯宋公蔡侯衛侯陳子鄭伯許男曹
伯莒子邾婁子頓子胡子滕子薛伯杞伯小邾婁子齊國夏于
召陵侵楚注月而不舉重者楚以一裘之故拘蔡昭公數年然
後歸之諸侯雜然侵之會同最盛故善錄其行義兵也

僖十九年夏六月宋人曹人邾婁人盟于曹南鄆子會盟于邾
婁注因本會于曹南盟故以地實邾婁起為邾婁事也詳諱例

三十二年衛人侵狄秋衛人及狄盟注不地者起因上侵就狄
盟也

文二年三月乙巳及晉處父盟注不地者起公就于晉也詳諱例

宣十五年公孫歸父會楚子于宋注地以宋者善內為救宋行
雖不能解猶為見人之厄則矜之故養遂其善意

昭九年叔弓會楚子于陳注陳已滅復見者從地名錄猶宋郟
以邑錄不舉小地者顧後當存

襄三年公如晉夏四月壬戌公及晉侯盟于長樗公至自晉注
盟地者不于都也

六月公會單子晉侯宋公衛侯鄭伯莒子邾婁子齊世子光已
未同盟于雞澤陳侯使袁僑如會戊寅叔孫豹及諸侯之大夫
及陳袁僑盟注復出陳者喜得陳國也不重出地有諸侯在臣
繫君故就上地

十六年戊寅大夫盟注不重出地者與雞澤同義

莊十九年公子結媵陳人之婦于鄆遂及齊侯宋公盟注先書
地後書盟者明出竟乃得專之盟不地方使上為出竟地即更
出地嫌上地自為媵出地也

桓十二年十有二月及鄭師伐宋丁未戰于宋注宋不出主名
者兵攻都城與郎同義

十三年及齊侯宋公衛侯燕人戰傳不地近乎圍也郎亦近矣

猶可以地也

莊二十八年齊人伐衛衛人及齊人戰衛人敗績注不地者因都主國

僖二十二年宋公及楚人戰于泓注陸戰當舉地而舉水者大其不以水厄人也

文十二年晉人秦人戰于河曲傳曷以為水地河曲疏矣河千里而一曲也注不言及不別曲直而地以河曲明兩曲也

宣十二年晉荀林父帥師及楚子戰于邲注陸戰當舉地而舉水者大莊王閔墮水而佚晉寇

昭五年叔弓帥師敗莒師于濇泉見災異例

文十一年叔孫得臣敗狄于鹹見災異例

隱六年鄭人來輸平見諱例

隱十一年公薨傳弑也不地不忍言也

桓十八年公薨于齊注地者在外為大國所殺于國此危國重故不暇隱也

莊三十二年公薨于路寢注在寢地加錄內也夫人不地者外夫人不卒內書薨已錄之矣故出乃地

子般卒注稱卒不地者降成君也

昭三十二年公薨于乾侯

宣九年晉侯黑臀卒于扈傳晉之邑也諸侯卒于封內不地卒于會故地也未出其地故不言會也注左右皆臣民雖卒于會上危愈於竟外故不言會出外死有輕重死于師尤甚于會次

之于人國次之于封內最輕

襄七年鄭伯髡原如會未見諸侯丙戌卒于操傳諸侯卒其封

內不地地隱之也弒也

見中國諱例

昭二十五年宋公佐卒于曲棘傳諸侯卒其封內不地地憂內也

隱元年鄭伯克段于鄆傳其地當國也齊人殺無知不地在內

也在內雖當國不地也不當國雖在外亦不地也注明當國者

在外乃地爾為其將交連鄰國復為內讐故錄其地明當急誅之

四年衛人殺州吁于濮

昭十一年楚子虔誘蔡侯般殺之于申注地者起以好會誘之

十六年楚子誘戎曼子殺之注不地者畧也

僖十九年邾婁人執鄆子用之傳用之社也注不言社者本無用人之道言用之已重矣故絕其所用處也

昭十一年楚師滅蔡執蔡世子有以歸用之傳益以築防也

桓十五年鄭伯突入于櫟傳鄭之邑不言入于鄭末言爾祭仲亡矣

襄二十五年衛侯入于陳儀傳衛之邑不言入于衛諼君以弒也

哀二年晉趙鞅帥師納衛世子蒯聩于戚傳衛之邑不言入于衛父有子子不得有父也

襄二十一年邾婁庶其以漆間邱來奔傳邾婁無大夫重地也

昭五年莒牟夷以牟婁及防茲來奔傳莒無大夫重地也

隱五年公觀魚于棠傳遠也

桓四年公狩于郎傳遠也

五年大雩注不地者常地也

六年大閱注不地者常地也

莊十八年公追戎于濟西傳某言于濟西大之也

僖二十六年公追齊師至禚弗及注國內兵不書而舉地者善

公不遠勞百姓得用兵之節

襄十五年公救成至遇注量力不責故與至禚同文

宣八年公子遂如齊至黃乃復辛巳有事于太廟仲遂卒于垂

注地者絕外卒明當有卒外禮也

成十七年公孫嬰齊卒于狸軫

宣十八年歸父還自晉至櫟遂奔齊注言至櫟者善其得禮

襄十九年晉士句帥師侵齊至穀聞齊侯卒乃還注言至穀者未侵齊也

昭二年公如晉至河乃復

案十二年十三年二十一年二十二年同見諱例

二十五年公孫于齊次于揚州齊侯唁公于野井注地者臣子痛君失位詳錄所舍止唁地者痛錄公明臣子當憂納公也

隱七年戎伐凡伯于楚邱以歸傳其地大之也注不地以衛者天子大夫銜王命至尊顧在所諸侯有出入當赴其難與國君等也

成十六年晉人執季孫行父舍之于招邱傳仁之也曰在招邱

悌矣代公執也注善其過則稱己美則稱君累代公執在危殆之地故地不稱行人者在君側非出使

釋曰昔子思子之述春秋曰下襲水土說之者謂襲因也謂記諸夏之事山川之異春秋一字皆以制法況會盟戰取書重辭複漢之諸儒每言堯舜禹貢三代所域春秋所治考而列之亦承學之先務矣然余觀傳之言曰器從名地從主人又曰地物從中國邑人名從主人諸侯土地各有封疆里數王者起興滅國反取邑不嫌不明大哉言乎春秋正中外十九國卒葬表十七合王魯十九以張治法自餘雖小國不通盟會戰伐者常畧之而況土地乎曰然則子思子所云襲水土不亦遠乎曰夫何遠之有正封疆以建邦國表山川以設險阻春秋所

治仍三代之治也若因事以定地因地以定事亦重其事而加詳焉爾版圖之要水地之記司徒司馬司空之有司職之豈聖王之事哉是故有所弗學而後其學博有所弗問而後其問審有所弗思而後其思慎有所弗辨而後其辨明屑屑焉天文地理術數兵法之是求亦淺之乎視聖人矣

郊禘例第二十七

僖三十一年夏四月卜郊不從乃免牲猶三望傳三卜禮也四卜非禮也求吉之道三禘嘗不卜郊何以卜卜郊非禮也魯郊非禮也天子祭天諸侯祭土天子有方望之事無所不通諸侯山川有不在其封內者則不祭也免牲禮也免牛非禮也傷者曰牛三望望祭也祭太山河海猶者通可以已也譏不郊而

望祭也

宣三年正月郊牛之口傷改卜牛牛死乃不郊猶三望傳之口
緩也不復卜養牲養二卜帝牲不吉則板稷牲而卜之郊必祭
稷自內出者無匹不行自外至者無主不止注書改卜者善應
變得禮

成七年鼯鼠食郊牛角改卜牛鼯鼠又食其角乃免牛夏五月

不郊猶三望

見災異例

十年夏四月五卜郊不從乃不郊傳不免牲故言乃不郊也注
當坐盜天牲故諱

十七年九月辛丑用郊傳用者不宜用也郊用正月上辛

襄七年夏四月三卜郊不從乃免牲

十一年夏四月四卜郊不從乃不郊

定十五年鼯鼠食郊牛牛死改卜牛夏五月辛亥郊傳三卜之
運也注已卜春三正不吉復轉卜夏三月周五月得二吉故郊
易曰再三瀆瀆則不告雖吉猶不當為也

哀元年鼯鼠食郊牛改卜牛夏四月辛巳郊

右郊九條

僖八年秋七月禘于太廟用致夫人

閔二年五月乙酉吉禘于莊公注禮禘祫從先君數朝聘從今

君數三年喪畢遭禘則禘遭祫則祫

文二年八月丁卯大事于太廟躋僖公傳大祫也合祭也毀廟
之主陳於太祖未毀廟之主皆升合食於太祖五年而再殷祭

注親過高祖毀其廟藏其主於太祖廟中禮取其廟室筓以爲死者炊沐太祖周公廟陳者陳列太祖東鄉昭南鄉穆北鄉其餘孫從王父三年禘五年禘禘所以異於禘者功臣皆祭也禘猶合也禘猶諦也審諦無所遺失禮天子特禘特禘諸侯禘則不禘禘則不嘗大夫有賜於君然後禘其高祖

定八年從祀先公傳順祀也注不書禘者後禘亦順

昭十五年二月癸酉有事于武宮籥人叔弓卒去樂卒事

籥
宣八年六月辛巳有事于太廟仲遂卒于垂壬午猶繹萬人去籥

桓十四年秋八月壬申御廩災乙亥嘗

桓八年春正月己卯烝傳冬祭也春日祠夏日禘秋曰嘗冬曰

烝常事書譏亟也注屬十二月己烝今復烝也

夏五月丁丑烝傳譏亟也注與上祀同爲亟也

案亦譏不特夏祭薄冬祭盛也

右禘禘祠嘗烝九條

釋曰昔仲尼遊于兩觀喟然而歎魯之郊禘非禮也是天子

之事守也夫杞宋既不足徵周道則幽厲傷之坤乾之義夏

時之等舍魯春秋其奚適矣坤乾雖亡夏時具在正月初歲

祭郊也二月祭籥言祭禘也禘以春夏禘以秋冬皆用仲月

郊雩用孟月迎氣以朔氣之始天子制也是以春秋于僭人

僭則曰大惡諱于僭六羽則曰小惡譏而郊禘獨不諱且譏

者春秋天子之事也然則郊禘之僭何昉乎蓋僖公使季孫

行父請命于周而始爲之也里革之頌至深切矣其言成王

命伯禽也曰錫之山川土田附庸而已不聞其以天子之禮
樂康周公也其言山川也曰泰山巖巖魯邦所詹而已非若
龜蒙鳧繹之保有奄有也其言郊禘也曰周公之孫莊公之
子惟恐其以非禮非道誣周公也曰春秋匪解享祀不忒魯
郊避夏正而間以春秋言匪解微辭也謂卜或不從又有饑
鼠災也曰不忒忒之爲言猶僭也乃申之曰皇皇后帝皇祖
后稷享以騂犧是饗是宜降福既多謂卜不從者唯不宜斯
不饗也且以諸侯而欲受天子之福假以溢我誰其收之既
多言弗戢也又申之曰周公皇祖亦其福女益曰皇祖后稷
乃天子之皇祖周公乃女皇祖也以禘禮祀其不饗乎秋而
載嘗以下譏大事所用也泰山巖巖以下譏三望也令妻壽
毋譏尊成風立聖姜也此非與春秋相發者哉昭公將誅季
氏子家子以爲不如正己蓋天子微諸侯僭大夫強諸侯脅
其勢固然行父方請命于周而桓宮已設私家矣徹以雍舞
八佾效尤雖甚其孰能禁之故孔子曰周公其衰又曰既灌
而往吾不欲觀之入太廟每事問曰是禮也蓋譏其小者而
大者則春秋壹譏云爾惟天子受命于天諸侯受命天子故
爲朝天子雖時祭猶有廢闕况敢干大禮以自取戾哉禮之
不明國乃滅亡亂賊之禍接跡天下其以此也夫

闕疑例第二十八

隱三年日有食之注不言月食者其形不可得而覩也故疑言
日有食之孔子曰多聞闕疑慎言其餘則寡尤

二年紀子伯莒子盟于密傳紀子伯者何無聞焉爾注春秋有
改周受命之制孔子畏時遠害又知秦將燔詩書其說口授相
傳至漢公羊氏及弟子胡毋生等乃始記於竹帛故有所失也
桓五年甲戌己丑陳侯鮑卒傳滅也甲戌之日亡己丑之日死
而得君子疑焉故以二日卒之也

十四年夏五傳無聞焉爾

文十四年宋子哀來奔傳無聞焉爾

昭十二年齊高偃帥師納北燕伯于陽傳伯于陽者何公子陽
生也子曰我乃知之矣在側者曰子苟知之何以不革曰如爾
所不知何春秋之信史也其序則齊桓晉文其會則主會者爲
之也其詞則某有罪焉爾注卽納上伯款非犯父命不當言于

陽又微國出入不兩書伯不當再出故斷二字問之時孔子年
二十三具知其事後作春秋案史記知公誤爲伯子誤爲于陽
在生刊滅闕夫子欲爲後人法不欲令人妄億錯不足陽下言
于北燕者史文也北燕本在上從史文也

釋曰昔夫子有言君子于其所不知蓋闕如也又曰吾猶及
史之闕文也今亡矣然則春秋受命制作故首卽改元稱王
而兢兢於信史文何哉蓋其所更者皆新義所存由多聞多
見而裁乎聖心游夏所莫能贊故曰其義則竊取之矣謂祖
述憲章也其所不革者皆義已空貫則闕疑闕殆以明其無
我學者所當取法故曰如爾所不知何謂述而不作也聖人
之文欲使人疑疑而問問而得乃爲心得闕疑之意又欲使

人信信而執執而固斯莫能破故以其所闕知其無所闕

四年傳是謂善學矣夫子以天縱之聖明天子之事而于策

書大體猶詳慎如此然則不知而作之者猶欲以郢書燕說

失其真悲夫

主書例弟二十九

隱元年鄭伯克段于鄆注不從討賊辭者主惡以失親親故書之

天王使宰咺來歸惠公仲子之賵注主書者不及事也

祭伯來注主書者以罪舉內外皆書者重乖離之禍也

公子益師卒注主所以卒大夫者明君當隱痛之也

三年日有食之傳何以書記異也注諸言何以書者問主書

武氏子來求賻注主為求賻書也

四年衛人立晉注主書從受位也

五年公觀魚于棠注諸諱主書者從實也

莊六年齊人來歸衛寶注主書者極惡魯犯命復貪利也

九年齊人取子糾殺之注主書者從齊取也

十年宋人遷宿注主書者從宋也

十七年鄭瞻自齊逃來傳書甚佞也日佞人來矣佞人來矣注

重言來者道經主書者若傳云爾

閔元年公及齊侯盟于洛姑注主書者起託君也

齊仲孫來注主書者賊不宜來

僖元年齊師宋師曹師次于聶北救邢注主書者起文從實

年注

夫人姜氏薨于夷齊人以歸注主書者從內不絕錄

十五年晉侯及秦伯戰于韓獲晉侯注主書者從獲人例

二十四年天王出居于鄭注主書者錄王者所居也

二十五年宋蕩伯姬來逆婦注主書者無出道也
案三十一年注同

楚人圍陳納頓子于頓注主書者從楚納之

二十八年晉人執衛侯歸之于京師注主書者以起文公逐之

三十年衛侯鄭歸于衛注主書者名惡當見

文元年天王使毛伯來錫公命注主書者惡天子也

十五年晉郤缺帥師伐蔡戊申入蔡注主書與甲寅同義

宣十五年宋人及楚人平注以主坐在君側遂為罪也

十八年歸父還自晉至櫟遂奔齊注主書者善其不以家見逐
怨懟成踊哭君終臣子之道起時莫能然也

成八年晉侯使韓穿來言汶陽之田歸之于齊注主書者善晉
之義齊

十六年曹伯歸自京師注主所以見曹伯歸本据喜時平國反
之書非錄京師有力也

十八年楚子鄭伯伐宋宋魚石復入于彭城注主書者起其專
封

昭元年莒去疾自齊入于莒莒展出奔吳注主書去疾者重篡
也

十二年齊高偃帥師納北燕伯于陽注主書者惡納篡也

二十五年齊侯唁公于野井注主書者喜爲大國所唁
二十六年天王入于成周注主言入者起其難也

三十一年黑弓以濫來奔注主書者在春秋前見王者起當追
有功顯有德興滅國繼絕世

定元年戊辰公卽位注主書者重五始也

八年盜竊寶玉大弓注主書者定公失政權移陪臣拘其尊卿
喪其五玉無以合信天子交質諸侯當絕之不書拘季孫者舉
五玉爲重

十二年季孫斯仲孫何忌帥師墮費注書者善定公任大聖復
古制弱臣勢也不書去甲者舉墮城爲重

十四年衛世子蒯聵出奔宋注主書者子雖見逐無去父之義

哀二年晉趙鞅帥師納衛世子蒯聵于戚注主書者與頓子同

三年齊國夏衛石曼姑帥師圍戚注主書者善伯討

四年晉人執戎曼子赤歸于楚注主書者惡晉背叛當誅之

十三年公會晉侯及吳子于黃池注主書者惡諸侯君事夷狄

釋曰董生有言春秋辨是非故長于治人文成數萬其旨數

千萬物之散聚皆在春秋又曰詩無達詁易無達占春秋無

達辭從變從義而一以奉人以是知春秋之爲道屢遷而其

義必有所專主其爲文周流空貫不言之眇皆在深察一言

之發衆例具舉是以說者各任其意離其宗何氏之于經其

最密者也既審決詖淫判若白黑而引伸觸類離根散葉貫

穿周顧網羅完具又慮用之者輕重失倫源委莫究輒下宗

義以正指歸竊嘗以為先漢以公羊斷天下之疑而專門學者自趙董生齊胡毋生而下不少槩見何氏生東漢之季獨能隳括兩家使就繩墨于聖人微言奧旨推闡至密惜其說未究于世故竟其餘緒為成學治經者正焉

皇清經解卷一千二百八十八終

嘉應葉 軒舊校
番禺高學 耀新校

皇清經解一千二百八十九

學海堂

春秋公羊經何氏釋例

武進劉禮部 逢祿 著

災異例第三十

隱三年春王二月己巳日有食之傳記異也曰某月某日朔日有食之者食正朔也其或日或不日或失之前或失之後失之前者朔在前也失之後者朔在後也汪象君行外疆內虛故日月之行無遲疾食不失朔也二日食象君行暴急外見畏故日行疾月行遲過朔乃食失正朔於前己巳是也晦日食象君行懦弱見陵故日行遲月行疾未至朔而食失正朔於後莊十八年三月是也是後衛州吁弑君諸侯初僭魯隱係獲公子翬進詔謀

桓三年秋七月壬辰朔日有食之既傳盡也注是後楚滅鄧穀上僭稱王故尤甚也不書者後治夷狄

十七年冬十月朔日有食之注是後夫人僭公爲齊侯所誘殺

又見月日例

莊十八年三月日有食之注是後戎犯中國魯蔽鄭瞻夫人如莒淫泆不制所致

二十五年六月辛未朔日有食之鼓用牲于社傳求乎陰之道也以朱絲營社或曰脅之或曰爲闇恐人犯之故營之注社者土地之主也月者土地之精也上繫於天而犯日故鳴鼓而攻之脅其本也朱絲營之助陽抑陰也先言鼓後言用牲者明先以尊命責之後以臣子禮接之所以爲順也書者善應變得禮

是後夫人遂不制通於二叔殺二嗣子

二十六年冬十有二月癸亥朔日有食之注與上略同

僖五年九月戊申朔日有食之注此象齊桓德衰是後楚遂背叛狄伐晉滅溫晉里克比弑二君

十五年夏五月日有食之注是後秦獲晉侯齊桓公卒楚執宋公霸道衰中國微弱之應

文元年二月癸亥朔日有食之注是後楚世子商臣弑君楚滅江六狄北侵中國

十五年六月辛丑朔日有食之鼓用牲于社注是後楚人滅庸宋人弑其君處白齊人弑其君商人宣公弑子赤莒弑其君庶其

宣八年秋七月甲子日有食之既注是後楚莊王圍宋伐鄭勝
晉中國精奪屈服強楚之應

十年夏四月丙辰朔日有食之注與甲子既同事重故累食

十七年六月癸卯日有食之注是後邾婁人戕鄆子四國大夫

敗齊師于鞏齊侯佚獲君道微臣道強之所致

成十六年六月丙寅朔日有食之注是後楚滅舒庸晉厲公見

餓殺尤重故十七年復食

十七年十有二月丁巳朔日有食之

襄十四年二月乙未朔日有食之注是後衛侯為強臣所逐溟

梁之盟信在大夫

十五年秋八月丁巳日有食之注是後溟梁之盟信在大夫齊

蔡莒吳衛之禍徧滿天下

二十年冬十月丙辰朔日有食之注自溟梁之盟臣恣日甚故
比年日食

二十一年秋九月庚戌朔日有食之冬十月庚辰朔日有食之

二十三年二月癸酉朔日有食之

二十四年秋七月甲子朔日有食之既注是後楚滅舒鳩齊崔

杼衛甯喜弒其君

八月癸巳朔日有食之注與甲子同

二十七年冬十有二月乙亥朔日有食之注是後吳蔡莒弒君

之應

昭七年夏四月甲辰朔日有食之注是後楚滅陳蔡弒其君虔

于乾谿

十五年六月丁巳朔日有食之注并十七年食益與孛于大辰同占

十七年夏六月甲戌朔日有食之

二十一年秋七月壬午朔日有食之注是後周有篡禍

二十二年十有二月癸酉朔日有食之注是後晉人圍郊犯天子邑

二十四年夏五月乙未朔日有食之注是後季氏逐昭公吳滅巢弒其君僚又滅徐

三十一年十有二月辛亥朔日有食之注是後昭公死外晉大夫專執楚圍蔡

定五年正月辛亥朔日有食之注是後臣恣日甚魯失國寶宋大夫叛

十二年十有一月丙寅朔日有食之注是後薛弒其君比晉大夫叛

十五年八月庚辰朔日有食之注是後衛蒯瞶犯父命蔡齊弒君

僖十五年己卯晦震夷伯之廟傳晦冥也震雷電擊也夷伯者季氏之孚也其稱夷伯天戒之故大之也注此象桓公德衰強楚以邪勝正僖公蔽於季氏季氏蔽於陪臣陪臣見信得權僭立大夫廟天意若曰蔽公室者是人也當去之

成十六年甲午晦注此王公失道臣代其治故陰代陽

莊七年夏四月辛卯夜恒星不見夜中星實如雨傳恒星者列星也列星不見何以知夜之中星反也注列星者天之常宿分守度諸侯之象周之四月夏之二月昏參伐狼注之宿當見參伐主斬艾立義狼注主持衡平也皆滅者法度廢絕威信陵遲之象時天子微弱諸侯背叛王室日卑星實未墜而夜中星反者房心見其虛危斗房心天子明堂布政之宮也虛危齊分其後齊桓行霸陽穀之會有王事

文十四年秋七月有星孛入于北斗傳彗星也言入北斗有中
也注孛者邪亂之氣彗者掃故置新之象北斗天之樞機玉衡
七政所出是時桓文迹息王都不能統政是後齊晉並爭吳楚
更謀競行天子之事宋齊莒魯弑君之應

昭十七年冬有星孛于大辰傳大辰者大火也大火爲大辰伐
爲大辰北辰亦爲大辰注是後周分爲二天下兩主宋南里以
亡

哀十三年冬十有一月有星孛于東方傳見于旦也注周十一
月夏九月日在房心房心天子明堂布政之庭於此旦見與日
爭明者諸侯代主治典法滅絕之象是後周室遂微諸侯相兼
爲秦所滅燔書道絕

隱九年三月癸酉大雨震電傳不時也注有聲名曰雷無聲名
曰電周之三月夏之正月雨當冰雪雜下雷當聞于地中其雉
雖電未可見而大雨震電此陽氣大失其節猶隱公久居位不
反于桓失其宜也發于九年者陽數可以極而不還國于桓之

所致

庚辰大雨雪傳倣甚也注倣始怒也始怒甚猶大甚也蓋師說以爲平地七尺雪者盛陰之氣也八日之間先示隱公以不宜久居位而繼以盛陰之氣大怒此桓將怒而弑隱公之象桓八年冬十月雨雪傳不時也注周之十月夏之八月未當雨雪此陰氣大盛兵象也是後有郎師龍門之戰流血尤深

昭四年正月大雨雪注爲季氏

僖十年冬大雨雹注夫人專愛之所生

僖二十九年秋大雨雹注夫人專愛之所生

昭三年冬大雨雹注爲季氏

僖三十三年十有二月霽霜不殺草李梅實傳不時也注周之

十二月夏之十月也易中孚記曰陰假陽威之應也早霽霜而不殺萬物至當霽霜之時根生之物復榮不死斯陽假與陰威陰威列索故陽自霽霜而反不能殺也此祿去公室政在公子遂之應

定元年冬十月霽霜殺菽傳灾菽也以異書異大乎灾也注異者所以爲人戒也重異不重灾君子所以貴教化而賤刑罰也周十月夏八月微霜用事未可殺菽菽者少類爲稼強季氏象也是時定公喜于得位不念黜逐之恥故天示以當早誅季氏成十六年雨木冰注木者少陽幼君大臣之象冰者凝陰兵之類也冰脅木者君臣將執于兵之徵

桓十四年正月無冰注周正月夏十一月法當堅冰無冰者温

也此夫人淫泆陰而陽行之所致

成元年二月無冰注周二月夏十二月尙書曰舒恆燠若易京房傳曰當寒而溫倒賞也是時成公幼少季孫行父專權而委任之所致

莊三十一年冬不雨注京房易傳曰旱異者旱久而不害物也斯祿去公室福由下作故陽雖不施而陰道獨行以成萬物也先是比築三臺慶牙專政之應

僖二年冬十月不雨注說與前同

三年春正月不雨夏四月不雨注太平一月不雨卽書春秋亂世一月不雨未害物未足爲異當滿一時乃書一月書者時僖公得立欣喜不恤庶衆比致三旱卽能退避正殿飭過求已循

省百官放佞臣郭都等理冤獄四百餘人精誠感天不雩而得澍雨故善其應變改政

六月雨傳上雨而不甚也注僖公飭過求己六月澍雨宣公復古行中其年穀大豐明天人相與報應之際不可不察其意

文二年自十有二月不雨至于秋七月傳大旱之日短而云灾故以灾書此不雨之日長而無灾故以異書注此祿去公室政在公子遂之所致

十年自正月不雨至于秋七月注公子遂之所招

十三年自正月不雨至于秋七月注公子遂所致

僖二十一年夏大旱傳記灾也注新作南門之所生

宣七年大旱注爲伐萊踰時也

桓五年大雩傳旱祭也言雩則旱見言旱則雩不見記災也注善其能戒懼天災應變求雨憂民之急也旱者政教不施之應先是桓公無王行比爲天子所聘得志益驕去國遠狩大城祝邱故致此旱

僖十一年秋八月大雩注公與夫人出會不恤民之應

十三年秋九月大雩注由陽穀之會不恤民復會于鹹城緣陵煩擾之應

成三年秋大雩注成公幼少大臣秉政變亂政教先是作邱甲爲鞏之戰伐鄭圍棘不恤民之所生

七年冬大雩注先是公會諸侯救鄭承前不恤民之所致

襄五年秋大雩注先是襄公數用兵圍彭城城虎牢二年再會

四年如晉踰年乃反又賦斂重恩澤不施所致

八年秋九月大雩注先是由城費公比出會如晉晉人伐我動擾不恤民之應

十六年秋大雩注先是伐許齊侯圍成動民之應

十七年九月大雩注比年仍見圍不暇恤民之應

二十八年秋八月大雩注公方久如楚先是豫賦於民之所致

昭三年八月大雩注先是公季孫宿比如晉

六年秋九月大雩注先是季孫宿如晉是後叔弓與公比如楚有豫賦之煩也

八年秋大雩注先是公如楚半年乃歸費多賦重所致

十六年九月大雩注先是公數如晉

二十四年秋八月大雩注先是公如晉仲孫矍卒民被其役明年叔倪出會故秋七月復大雩

二十五年秋七月上辛大雩季辛又雩注見上及日月例

定元年九月大雩注定公得立尤喜而不恤民之應

七年秋大雩注先是公侵鄭城中城季孫斯仲孫忌如晉圍運費重不恤民之應

九月大雩注承前費重不恤民又重之以齊師伐我我自救之役

十二年秋大雩注不能事事信用孔子聖澤廢

桓元年秋大水傳記災也注傷二穀以上書災先是桓篡隱百姓悲哀之心既積而復專易朝宿之邑陰逆而與怨氣并之所

致

十二年夏大水注為龍門之戰死傷者眾民悲哀之所致

莊七年秋大水無麥苗傳一災不書待無麥然後書無苗注明君子不以一過責人水旱螟螣皆以傷一穀乃書然不書穀名

至麥苗獨書者民食最重先是莊公伐衛納朔用兵踰年夫人數出淫泆民怨之所生

十一年秋宋大水傳及我也注詭例書外以見內也先是二國比興兵相敗百姓同怨而俱災故明天人相與報應之際甚可畏也

二十四年秋大水注夫人不制遂淫二叔陰氣盛故明年復水

二十五年秋大水鼓用牲于社于門注大水與日食同禮者水

亦土地所爲雲實出於地而施於上乃雨歸功於天猶臣歸美於君

二十八年冬築微大無麥禾注此蓋秋水所傷就築微下舉水則嫌冬水推秋無麥禾但言無麥禾則嫌秋自不成不能起秋水因疾莊公行類同故加大明有秋水也此夫人淫泆之所致宣十年大水注先是城平陽取根牟及賴役重民怨之所生襄二十四年大水注先是叔孫豹救晉仲孫羯侵齊比與師衆民怨之所生

文九年九月癸酉地震傳動地也記異也注傳先言動者喻若物之動地以曉人也象陰爲陽行是時魯文公制于公子遂齊晉失道四方叛德星孛之萌自此而作故下與北斗之變所感

同也不傳天下異者從王內錄可知

襄十六年五月甲子地震注是時溴梁之盟政在臣下其後叛臣二弑君五楚滅舒鳩齊侯襲莒乖離出奔兵事尤甚

昭十九年己卯地震注季氏稍盛宋南里以叛王室大亂諸侯莫肯救晉人圍郊吳勝雞父尹氏立王子朝之應

二十三年八月乙未地震注是時猛朝更起與王爭入遂至數年晉陵周竟吳敗六國季氏逐昭公吳光弑僚滅徐故日至三食地爲再動

哀三年夏四月甲午地震注此象季氏專政蒯瞶犯父命是後蔡大夫專相放盜殺蔡侯申伯晉京師楚黃池之會吳大爲主昭五年戊辰叔弓帥師敗莒師于濇泉傳涌泉也注蓋戰而涌

為異也此象公在晉臣下專受莒叛臣地以興兵戰鬥百姓悲怨之所致故因以著戰處欲明天之與人相報應之義

僖十四年秋八月辛卯沙鹿崩傳河上之邑也言崩龔邑也為天下記異也注龔者嘿陷入於地中土地者民之主霸者之象也河者陰之精為下所襲者此象齊桓將卒霸道毀夷狄動宋

襄承其業為楚所敗之應
成五年梁山崩傳河上之山也梁山崩壅河三日不流為天下記異也注故不日以起之山者陽精德澤所由生君之象河者

四瀆所以通道中國此象諸侯失勢王道絕大夫擅恣為海內害自是之後六十年之中弑君十四亡國三十二故溟梁之盟徧刺天下之大夫

隱五年螟傳記災也注災者有害於人物隨事而至者先是隱公張百金之魚設苛令急法以禁民之所致

八年螟注先是有狐壤之戰中丘之役又受邠田煩擾之應莊六年螟注先是伐衛納朔兵歷四時乃反煩擾之所生

桓五年蠛傳記災也注煩擾之所生與上旱同說
僖十五年八月蠛注公久出煩擾之所生

宣六年八月蠛注先是公伐莒取向比如齊所致
十三年秋蠛注先是新饑而使歸父會伐莒賦斂不足國家遂

虛下求不已之應
十五年秋螽注從十三年之後上求未已而又歸父比年再出

會內計稅畝百姓動擾之應

皇清經解 卷三頁九 劉禮部公羊何氏釋例 庚申補刊

冬蝻生傳蝻生不書書幸之也猶曰受之云爾上變古易常應是而有天災其諸則宜於此焉變矣注宣公能受過變寤明年復古行中冬大有年其功美過於無災故變蠛言蝻以不爲災起其事

襄七年八月蠛注先是鄰小邾婁來朝有賓主之賦加以城費季孫宿如衛煩擾之應

哀十二年冬十有二月蠛傳記異也注蠛者與陰殺俱藏周十二月夏十月不當見故爲異比年再蠛者天不能殺地不能埋自是天下大亂莫能相禁宋國以亡齊并於陳氏晉分爲六卿十三年九月蠛注先是用田賦又有會吳之費十有二月蠛注黃池之會費重煩之所致

宣十年饑傳以重書也注民食不足危亡將至明當自省減開倉廩贍振乏

十五年饑

襄二十四年大饑注有死傷曰大饑無死傷曰饑

桓十四年秋八月壬申御廩災傳記災也注火自出燒之曰災先是龍門之戰死傷者衆桓無惻痛之心不重宗廟逆天危先祖鬼神不饗故天應以災御廩

僖二十年五月乙巳西宮災傳小寢也魯子曰以有西宮亦知諸侯之有三宮也何以書記異也注西宮者小寢內室楚女所居也禮諸侯娶三國女以楚女居西宮知二國女于小寢內各有一宮也禮夫人居中宮少在前右媵居西宮左媵居東宮少

在後是時僖公爲齊所脅以齊媵爲嫡楚女廢在西宮而不見恤悲愁怨曠之所生也言西宮不繫小寢者小寢夫人所統妾之所繫也天意若曰楚女本當爲夫人不當繫于齊女故經亦云爾

成三年甲子新宮災三日哭傳宣公之宮也謂之新宮不忍言也三日哭禮也記災也注謂之新宮者因新入宮易其西北角示昭穆相繼代有所改更也此象宣公篡立當誅絕不宜列昭穆成公幼少臣威大重結怨強齊將不得又承宗廟之應

定二年夏五月壬辰雉門及兩觀災傳其言及兩觀微也不言雉門災及兩觀主災者兩觀也後言之不以微及大也記災也注雉門兩觀皆天子之制門爲主觀爲飾故微此本子家駒諫

昭公所當先去以自正者昭公不從其言卒爲季氏所逐定公繼其後宜去其所以失之者故災亦云爾

哀三年五月辛卯桓宮僖宮災傳毀廟也言災復立也不言復立春秋見者不復見也不言及敵也記災也注災不宜立

四年六月辛丑蒲社災傳亡國之社也蓋揜其上而柴其下記災也注戒社者先王所以威示諸侯使事上也災者象諸侯背天子是後宋事強吳齊晉前驅滕薛夾轂魯衛驂乘故天去戒社若曰王教滅絕云爾

文十一年冬十月甲午叔孫得臣敗狄于鹹傳狄者長狄也兄弟三人一者之齊一者之魯一者之晉其之齊者王子成父殺之其之魯者叔孫得臣殺之則未知其之晉者也其言敗大之

也其日大之也其地大之也何以書記異也注以日嫌夷狄不能偏戰也長狄之三國皆欲爲君長大非一人所能討興師動衆然後殺之如大戰此象周室衰禮義廢大人無輔佐有夷狄行事以三成不可苟指一敌自宣成以後弑君二十八亡國四十

莊二十年夏齊大災傳痢也外災書及我也注痢者民疾疫也邪亂之氣所生是時魯任鄭瞻夫人如莒淫泆齊侯亦淫諸姑姊妹不嫁者七人

案痢與癘同癘者癩也齊宮女市女閭七百之應

宣三年正月郊牛之口傷改卜牛牛死乃不郊猶三望傳言之口緩也注不若食角急也別天牲主以角書者譏宣公養牲不謹敬不潔清而災

成七年正月饑鼠食郊牛角改卜牛饑鼠又食其角乃免牛注易京房傳曰祭天不慎饑鼠食郊牛角書又食者重錄魯不覺寤重有災也

定十五年正月饑鼠食郊牛牛死改卜牛傳不言所食漫也注漫者徧食其身災不敬也不舉牛死爲重複舉食者內災甚矣錄內不言火是也

哀元年正月饑鼠食郊牛改卜牛注災不敬故

莊十七年冬多麋傳記異也注麋之爲言猶迷也象魯爲鄭瞻所迷惑言多者以多爲異

十八年秋有蜮傳記異也注蜮之猶言惑也其毒害傷人形體不可見象魯爲鄭瞻所惑將以大亂而不能見也言有者以有

爲異

二十九年秋有蜚傳記異也注蜚者臭惡之虫也象夫人有臭惡之行言有者南越盛暑所生非中國之所有

昭二十五年有鸚鵡來巢傳記異也非中國之禽也宜穴又巢也注來居此國國將危亡之象鸚鵡猶權欲宜穴又巢此權臣欲國自下居上之徵其後季氏逐君

哀十有四年春西狩獲麟傳記異也非中國之獸也孰狩之薪采者也以狩言之大之也麟者仁獸也有王者則至無王者則不至有以告者曰有麇而角者孔子曰孰爲來哉孰爲來哉反袂拭面涕沾袍顏淵死子曰噫天喪予子路死子曰噫天祝予西狩獲麟孔子曰吾道窮矣注麟者太平之符聖人之類時得

麟而死此亦天告夫子將沒之徵必止於麟者欲見撥亂功成于麟猶堯舜之隆鳳皇來儀故麟於周爲異春秋記以爲瑞明太平以瑞應爲效也

僖十有六年春王正月戊申朔實石于宋五月六鷓退飛過宋都傳外異書爲王者之後記異也注王者之後有亡徵非親王安存之象故重錄爲戒石者陰德之專者也鷓者鳥中之耿介者皆有似宋襄之行欲行霸事不納日夷之謀事事耿介自用卒以五年見執六年終敗如五石六鷓之數天之與人昭昭著明甚可畏也於晦朔者示其立功善甫始而敗將不克終故詳錄天意也

文三年雨螽于宋傳死而墜也爲王者之後記異也注不言如

雨言雨螽者本飛從地上而下至地似雨尤醇衆死而墜者羣
臣將爭彊相殘賊之象是後大臣比爭鬪相殺朝廷久空益由
三世內取貴近妃族禍自上下故異之云爾

宣十六年成周宣榭災傳成周者東周也宣榭者宣宮之榭也
樂器藏焉爾外災何以書新周也注後周分爲二天下所名爲
東周成周者本成王所定名宣王廟不毀者有中興功室有東
西廂曰廟無東西廂有室曰寢無室曰榭天子之居稱京師宋
災不別所燒新周故分別有災不與宋同也

襄九年春宋災傳大者曰災小者曰火爲王者之後記災也注
是時周樂已毀先聖法度浸疏遠不用之應

三十年五月甲午宋災伯姬卒注伯姬守禮含悲極思之所生

昭九年夏四月陳火傳陳已滅矣言陳火存陳也曰存陳悌矣
注災異爲有國者戒已滅復火者死灰復然之象此天意欲存
之故從有國記災

十八年夏五月壬午宋衛陳鄭災傳異其同日而俱災也外異
何以書爲天下記異也注四國天下象也是後王室亂諸侯莫
肯救故天應以同日俱災若曰無天下云爾

右日食三十四晦十二星變四震二雨雪雨雹各三霜二
雨木冰一無冰三不雨七大旱二大雩二十大水十地

震五地陷山崩水涌各一螟三螽九饑三無麥苗一大
無麥禾一火六人疴一疾疫一牛禍四蟲禽獸異四雨

一蠪生一有年一大有年一麟瑞一外災異八凡一百

四十五條

釋曰災異者聖人所以畏天命重民命也聖人之教民先之以教而後誅隨之天之告人必先之以災異而後亂亡從之其任教而不任刑一也六經皆言災異詩禮師失其傳伏生之于書京房之于易董仲舒劉向之于春秋大義略同惟劉歆爲異其于天人相與之際皆能精微眇以喻其意通倫類以貫其理則皆措之于事而可行非槩以恐懼修省之言惑當世也夫陳說先王而失譴告之指謂之不學無術魏以後儒者是也諱其事應之著而不肯感言于上謂之曲學阿世谷永翼奉之徒是也善乎董生之言曰春秋之所譏災害之所加也春秋之所惡怪異之所施也推此以應變是謂求病


而用藥聖人撥亂反正尤重于上律天時下襲水土必至于太平以瑞應爲效而後地平天成之道著則莫近諸春秋也故觀僖宣之覺寤而功美過于無災其召沚而不知變則傷敗亦不還日天之所壞不可支也易中孚傳有之政不改而災自除者觀本所起以知存亡謂有賢者持政明天意去此鄉來者楚莊王以天不見災地不見孽則禱之于山川蓋謂此也故遇災而懼中主優爲之不見災而懼則并致災之由而弭之禎祥畢致而王道終矣夫聖主尙樂求忠臣之諫而況天譴乎樂天者保天下幸之受之之謂也詩曰潛雖伏矣亦孔之灼故人受陰陽之氣以生若水之漸魚也魚怫鬱于淵而水爲之淖人以邪亂殺氣化而天聞其腥天之在人者



曰性人之受天者曰命存心養性所以事天而先後之動靜
順逆之氣朕于不聞不覩而樞機之應若山川出雲而天降
時雨因其厚薄廣狹而爲之量詩又曰上天之載無聲無臭
言致一也人君自仁愛而天仁愛之人君自昏昧而天亦應
以昏昧而仁愛之詩又曰民今方殆視天夢夢既克有定靡
人弗勝有皇上帝伊誰去憎言事天也

工部都水司郎中臨川李秉綬刊

皇清經解卷一千二百八十九終

嘉應葉 軒舊校
番禺高學 耀新校





Vertical text on the right edge of the book, likely a title or page number, written in a traditional Chinese style.

